

სსიპ გარემოს ეროვნულ სააგენტოს უფროსს  
ქალბატონ ელენე ღუბიანურს

ი/მ თორნიკე აშვეთიას (ს/კ 53001002315)  
თევზსაშენი მეურნეობის გზმ-ს ანგარიშის

**ხარვეზებზე დაზუსტებული ინფორმაცია**

სსიპ გარემოს ეროვნული სააგენტოს 2026 წლის 13 მარტის N21/3396 ხარვეზის წერილში მოცემული შენიშვნების საფუძველზე წარმოგიდგინთ წყალტუბოს მუნიციპალიტეტის სოფ. გეგუთის 35-ე ქუჩა N10-ში ი/მ თორნიკე აშვეთიას (ს/კ 53001002315) თევზსაშენი მეურნეობის მოწყობისა და ექსპლუატაციის გზმ-ს ანგარიშის გამოვლენილ შენიშვნებზე რეაგირების ცხრილს კერძოდ:

**საკითხი: ა)** გარემოსდაცვითი გადაწყვეტილების მიღების თაობაზე განცხადებაში მითითებულია თევზსაშენი მეურნეობის მოწყობისა და ექსპლუატაციის პირობის ცვლილების გზმ-ის ანგარიში. თუმცა ზემოაღნიშნული საქმიანობა არ წარმოადგენს ექსპლუატაციის პირობის ცვლილების პროცედურას დაქვემდებარებულ საქმიანობას და შესაბამისად, განცხადებაში მითითებული ტექნიკური ხარვეზი შესასწორებელია;

**განმარტება: ა)** აღნიშნული ტექნიკური ხარვეზი - „განცხადებაში მითითებულია თევზსაშენი მეურნეობის მოწყობისა და ექსპლუატაციის პირობის ცვლილების გზმ-ის ანგარიში“ დაფიქსირებულია გამაცილებელ წერილში, ამჟამად ხარვეზი გასწორებულია განცხადებაში.

**საკითხი: ბ)** განცხადებაზე თანდართულ დოკუმენტაციაში წარმოდგენილია 29.14.32.002 საკადასტრო კოდით რეგისტრირებული მიწის ნაკვეთის Shp-ფაილები და მასზე არსებული ტბორები (შემცირებული ფართობებით). ვინაიდან საქმიანობა არ არის დაგეგმილი ზემოაღნიშნულ მთლიან მიწის ნაკვეთზე, არამედ მის მცირე ნაწილზე (ტბორები), კანონმდებლობის მოთხოვნის (გზმ-ის ანგარიშს უნდა დაერთოს დაგეგმილი საქმიანობის განხორციელების ადგილის Shp-ფაილები) შესაბამისად, Shp-ფაილებში არ უნდა იყოს მოცემული მთელი მიწის ნაკვეთი (ს/კ 29.14.32.002);

**საკითხი: გ)** გზმ-ის ანგარიშის მიხედვით, ტბორისთვის საჭირო წყალაღება მოხდება სამელიორაციო არხიდან (წყალაღების კოორდინატები: X-310203, Y-4673749), საიდანაც სპეციალურად მოწყობილი 7 მეტრის სიგრძის (d-700 მმ) მილსადენის საშუალებით მოხდება წყლის შედინება დიდ ტბორში და წყალი პატარა ტბორში გადავა თვითდინებით. ადგილი ექნება წყალჩაშვებს მდ. რიონში პატარა ტბორიდან 120 მეტრის სიგრძის (d-500 მმ) მილსადენის საშუალებით (წყალჩაშვების კოორდინატები: X-310833, Y-4673559). აღნიშნულის გათვალისწინებით, Shp-ფაილებში ასევე მოცემული უნდა იყოს წყალაღება/წყალჩაშვების წერტილები და მილსადენები;

**განმარტება:** გამოსწორებული იქნა აღნიშნული ხარვეზი და წარმოგიდგინთ მხოლოდ დაგეგმილი საქმიანობისათვის საჭირო ტერიტორიის - დიდი და პატარა ტბორის Shp-ფაილებს შესაბამისი დასახელებებით (მათ შორის მისასვლელი გზებით, წყალაღებისა და წყალჩაშვების წერტილებისა და კოორდინატების, მილსადენის Shp-ფაილების მითითებით. აქვე გაცნობებთ, რომ 2026 წლის 19 მარტს დაგეგმილი საქმიანობის განხორციელების ტერიტორიას საკ. კოდი: 29,14.32.002 ჩამოეჭრა და გასხვისებული იქნა 6000 კვ.მ, რომელზეც განთავსებული ფერმა, მაგრამ მიუხედავად იმისა რომ შემცირებული იქნა ტერიტორიის ფართობი, დაგეგმილი საქმიანობის - თევზსაშენი მეურნეობის მოსაწყობ ტერიტორიაზე ტბორებზე რაიმე გავლენა არ მოუხდებია, გარდა იმისა რომ შეიცვალა საკადასტრო კოდი და მიენიჭა ახალი საკადასტრო კოდი: 29.14.32.602.

